



J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

-Ugovorni organ-

Na osnovu člana 70. stav 1. i 2. Zakona o javnim nabavkama („Službeni glasnik BiH“ br. 39/14), člana 17. Pravila JU MES-Međunarodni teatarski festival-Scena MESS broj: 257/16 od 10.05.2016. godine, Izvještaja i preporuke Komisije za javne nabavke broj: 01-IX-534/21 od 07.09.2021. godine, Ugovorni organ donosi:

Odluku

o izboru najpovoljnijeg ponuđača u postupku javne nabavke usluga revizije finansijskog izvještaja EU projekta

Član 1.

Najpovoljniji ponuđač u postupku javne nabavke usluga revizije finansijskog izvještaja EU projekta za Javnu ustanovu „MES -Međunarodni teatarski festival-Scena MESS“, a koji se provodio putem konkurentskog zahtjeva za dostavljanje ponude, evidencioni broj javne nabavke: 1014-7-2-17/21, broj Obavještenja o nabavci sa Portala javnih nabavki: 1014-7-2-17-3-1/21, po Odluci o pokretanju postupka javne nabavke usluga putem konkurentskog zahtjeva za dostavljanje ponuda broj: 01-VIII-375/21 od 09.08.2021. godine je ponuđač: **„EURO BIRO“ AGENCIJA ZA RAČUNOVODSTVO, REVIZIJU I USLUGE D.O.O Sarajevo**, Identifikacioni broj: 4200654190007, sa ponuđenom cijenom u iznosu od **592,55 (petstotinadevedesetdviije i 55/100) KM bez PDV-a**, kao najbolje ocjenjena i prihvatljiva ponuda.

Član 2.

Ponuđač iz člana 1. ove Odluke ocjenjen je kao najpovoljniji jer ispunjava sve uslove iz Tenderske dokumentacije, a u skladu s kriterijem za dodjelu ugovora (najniža cijena tehnički zadovoljavajuće ponude) ponudio je najnižu cijenu.

Član 3.

- (1) Direktor ustanove će po konačnosti i izvršnosti odluke izvrši potpisivanje Ugovora sa izabranim ponuđačem, u skladu s zahtjevima iz Tenderske dokumentacije i Obrascem za cijenu ponude ponuđača.
- (2) Prijedlog Ugovora dostavit će se izabranom ponuđaču po proteku roka od 10 (deset) dana, računajući od dana kada su svi ponuđači koji su učestvovali u predmetnom postupku nabavke, obavješteni o izboru najpovoljnijeg ponuđača.

Član 4.

Izabrani ponuđač dužan je dostaviti dokaze o kvalificiranosti u roku od 3 (tri) dana od dana prijema obavijesti o izboru.

Član 5.

Izveštaj o provedenom postupku javne nabavke od strane ugovornog organa dostaviti Agenciji za javne nabavke.

Član 6.

Ova odluka stupa će se dostaviti svim učesnicima u postupku i objaviti na web stranici Ugovornog organa www.mess.ba.

Obrazloženje:

U skladu s Planom nabavki JU „MES- Međunarodni teatarski festival-Scena MESS“ za 2021. godinu broj: 02-V-167-UO/21 od 04.05.2021. godine i Odlukom o I (prvoj) izmjeni i dopuni Plana nabavki broj: 02-V-207/21 od 24.05.2021. godine, Odlukom o pokretanju postupka javne nabavke usluga putem konkurentskog zahtjeva za dostavljanje ponuda broj: 01-VIII-375/21 od 09.08.2021. godine, pokrenut je postupak javne nabavke usluga revizije finansijskog izvještaja EU projekta za potrebe JU „MES-Međunarodni teatarski festival-Scena MESS“, putem konkurentskog zahtjeva za dostavljanje ponuda, evidencioni broj javne nabavke: 1014-7-2-17/21, broj Obavještenja o nabavci sa Portala javnih nabavki: 1014-7-2-17-3-1/21.

U skladu sa članom 2. naprijed navedene Odluke, sačinjena je Tenderska dokumentaciju za javnu nabavku usluga, te objavljeno obavještenje o javnoj nabavci usluga na Portalu javnih nabavki i upućen poziv za dostavljanje ponuda za predmetnu javnu nabavku usluga na adrese tri ponuđača.

Rok za preuzimanje Tenderske dokumentacije bio je 20.08.2021. godine, a za dostavu ponuda 25.08.2021. godine. Tendersku dokumentaciju je preuzelo ukupno 14 (četnaest) ponuđača, a ponudu dostavilo 5 (pet) i to:

Redni broj	Naziv ponuđača
1.	Društvo za reviziju „ORECNOS & AUDIT“ d.o.o
2.	DOO „ŠKAMO“
3.	EURO-BIRO doo
4.	MERFI d.o.o
5.	n. Consulting d.o.o

Javno otvaranje ponuda je održano dana 25.08.2021. godine u 17:00 sati. Zapisnik sa otvaranja ponuda je odmah dostavljen svim ponuđačima. Komisija za javne nabavke je dana 26.08.2021. godine započela sa pregledom i ocjenom ponuda. Komisija za javne nabavke prilikom ocjene ponuda konstatovala je da su ponude ponuđača Društvo za reviziju „ORECNOS & AUDIT“ d.o.o, EURO-BIRO d.o.o., n. Consulting d.o.o prihvatljive jer ispunjavaju sve uslove tražene TD, a dok su ponude ponuđača DOO „ŠKAMO“, MERFI d.o.o. ocijenjene kao neprihvatljive, tj. iste ne ispunjavaju uslove iz tenderske dokumentacije.

Uvidom u Izveštaj o preuzimanju tenderske dokumentacije vidljivo je da ponuđač „ŠKAMO“ d.o.o nije preuzeo tendersku dokumentaciju preko portala. U Tenderskoj dokumentaciji u



J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

dijelu V. Ostali podaci, tačka 9. navedeno je da se tenderska dokumentacija mora preuzeti zvanično sa Portala javnih nabavki. Ponuđač koji ne preuzme TD sa Portala javnih nabavki ili na bilo koji drugi način dođe u posjed TD neće moći učestvovati u postupku nabavke, shodno navedenom ponuda je kao takva odbačena.

Uvidom u obrazac za cijenu ponude broj 27/2021, strana 6., kao i u izjavu o uslovima ponude strana 7. Komisija je konstatovla da ponuđač MERFI Društvo za finansijsku reviziju d.o.o cijenu ponude nije napisao slovima nego samo brojčano. Uvidom u tendersku dokumentaciju i to Dio IV- Podaci o ponudi, tačka 6. način navođenja cijene vidljivo je da je Ugovorni organ naveo sljedeće: "Cijena ponude piše se brojevima i slovima. U slučaju neslaganja iznosa upisanih brojčano i slovima, prednost se daje iznosu upisanom slovima." Shodno navedenom Komisja konstatuje da ponude ponuđača MERFI Društvo za finansijsku reviziju d.o.o nije potpuna jer ne ispunjava zahtjeve iz tenderske dokumentacije, te da se kao takva treba odbaciti u skladu sa članom 68. stav 4. tačka I. Zakona o javnim nabavkama.

Za ovaj postupak javne nabavke bilo je predviđeno provođenje E–aukcije u skladu sa Pravilnikom o uslovima i načinu korištenja E–aukcije ("Službene novine BiH" broj: 66/16). Ugovorni organ odredio je početak i dužinu trajanja E–aukcije u sistemu E–nabavke.

E aukcija zakazana je za dan 01.09.2021. godine u 13:00 sati. Svi ponuđači koji su podnijeli prihvatljive ponude, momentom zakazivanja E – aukcije obavješteni su istovremeno putem sistema E –nabavke o sljedećem:

- datumu i vremenu početka E–aukcije,
- prethodno određenom trajanju E–aukcije;
- broju postupka javne nabavke;
- poziciji na rang listi u početnoj ocjeni ponuda;
- da li se na ponudu primjenjuje preferencijalni tretman domaćeg.

Komisija za javne nabavke održala je sastanak dana 01.09.2021. godine, a na kojem je razmatran izvještaj o rezultatima e-aukcije. Uvidom u generisani Izvještaj o toku i završetku e-aukcije vidljivo je da je utvrđena konačna rang lista ponuđača koji su učestvovali u e-aukciji i to kako slijedi:

Naziv i sjedište ponuđača	IDB/JIB	Konačna cijena u KM bez PDV-a	Umanjenje cijene	Rang
1 EURO-BIRO D.O.O.	4200654190007	592,55	93,07 %	1
2 N.CONSULTING D.O.O. SARAJEVO	4202008630000	600,00	93,54%	2
3 ORECONS&AUDIT D.O.O. ZENICA	4218121290006	5992,000	19,57 %	3

Komisija za javne nabavke je na sastanku konstatovala da je cijena koju je ponudio prvorangirani ponuđač znatno niska i da je ista snižena za 93,07% u odnosu na početnu, te je shodno navedenom izrazila sumnju da je ista možda neprirodno niska. Međutim kada je u pitanju traženje obrazloženja neprirodno niske cijene u postupcima u kojima je predviđena e-aukcija, prema zvaničnom mišljenju Agencije za javne nabavke BiH, pojašnjenje neprirodno niske cijene se traži u fazi evaluacija ponuda, dakle prije održavanja e-aukcije.

Obzirom da je ugovorni organi nakon otvaranja ponuda provjerio kvalifikovanost kandidata, da su na e-aukciji mogli učestvovati samo oni ponuđači čija je ponuda prihvaćena, da u fazi evaluacije nisu bili ispunjeni uslovi iz Zakona o javnim nabavkama i Uputstva za pripremu modela tenderske dokumentacije, a čijim ispunjenjem je Ugovorni organ **obavezan** tražiti objašnjenje od strane ponuđača, Komisija je konstatovala da ponuđenu cijenu može prihvatiti i bez obaveznosti traženja dodatnog pojašnjenja ponuđene cijene.

Međutim Komisija za javne nabavke je ipak uzimajući u obzir odredbu člana 17. stav (8) Uputstva za pripremu modela tenderske dokumentacije i ponuda, a kojim je propisano da ugovorni organ može od ponuđača zatražiti objašnjenje ponuđene cijene, ako smatra da je ona neprirodno niska i iz drugih razloga navedenih u članu 66. Zakona konstatovala da Ugovornom organu nije zabranjeno da zahtjeva obrazloženje neprirodno niske cijene i nakon završetka e-Aukcije tj. da je to ostavljeno na dispozitiv ugovornom organu da obrazloženje može zahtjevati kada „ocijeni“, odnosno „smatra“ da je „ponuđena cijena neprirodno niska“.

Shodno gore navedenom Komisija je ponuđaču EURO-BIRO D.O.O uputila zahtjev za obrazloženje cijene. Dana 07.09.2021. godine zaprimljeno je obrazloženje ponude u kojem ponuđač EURO-BIRO D.O.O navodi da je do snižavanja cijene ponude došlo tokom provođenja postupka e-aukcije, nakon što je njihova ponuda ocijenjena kao prihvatljiva, a što smatraju dozvoljenim. Dalje ponuđač u svojoj obrazloženju navodi da će rad na ovom projektu obogatiti njihovu referenc listu, za revizore omogućiti dodatno iskustvo pri reviziji, stvoriti pogodne uslove za vršenje sličnih poslova iz oblasti revizije EU projekata, a da sam rad po ovoj cijeni neće dovesti do gubitka u poslovanju.

Komisija za javne nabavke je na sastanku koji je održan dana 07.09.2021. godine odlučila da prihvati cijenu koju je ponudio ponuđač „EURO BIRO“ AGENCIJA ZA RAČUNOVODSTVO, REVIZIJU I USLUGE D.O.O Sarajevo, a prilikom donošenja takve odluke posebno se rukovodila činjenicom da je u fazi evaluacije ponuda ova ponuda ocijenjena kao prihvatljiva, da je do snižavanja cijene došlo tokom provođenja postupka e-aukcije, čija je svrha snižavanje cijene, da je ponuda drugorangiranog ponuđača skuplja za samo 7,45 KM, te da je u obrazloženju cijene ponuđač naveo da ugovor može realizovati bez gubitka u poslovanju.

S obzirom na naprijed navedeno, Komisija za javne nabavke je u skladu sa članom 5. stav (2) alineja f) Pravilnika o uspostavljanju i radu komisije za nabavke („Službeni glasnik BiH“ 103/14), jednoglasno putem javnog glasanja donijela preporuku Ugovornom organu o dodjeli ugovora za usluge revizije finansijskog izvještaja EU projekta za JU „MES- Međunarodni teatarski festival- Scena MESS“ ponuđaču „EURO BIRO“ AGENCIJA ZA RAČUNOVODSTVO, REVIZIJU I USLUGE D.O.O Sarajevo, Identifikacioni broj: 4200654190007, sa ponuđenom cijenom u iznosu od 592,55 (petstotinadevedesetdviije i 55/100)

Direktor ustanove je saglasan sa datom preporukom Komisije, te je shodno navedenom donesena Odluka kao u dispozitivu.

MESS

J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

PRAVNA POUKA: Na odluku o izboru može se izjaviti žalba u roku od pet (5) dana od dana prijema iste. Žalba se u pisanom obliku upućuje Uredu za razmatranje žalbi putem Ugovornog/prvostepenog organa, a u skladu Zakonom o javnim nabavkama BiH.

Broj: 01-IX-535/21

Sarajevo, 08.09.2021. godine



Za Upravni organ:

Nihad Kreševljaković, direktor

Dostaviti:

- 5x Ponuđačima
- Računovodstvo
- Prilog dokumentaciji za JANAB-a
- Direktor ustanove
- a/a